

prononci) la vortojn Z; li silentis, for-
~ante siajn timojn. ~o. 1 Ago ~i : fari
malbonan ~on Z; lusi pro malĝusta
en ~o Z. 2 Kvanto de tio, kion oni ~as
per unu fojo; ~kvanto : li ĉion formangis
per tri ~oj. ~ema. Avide manĝanta,
manĝema. ~ejo Z. 1 Gorgo. 2 (f)
Abismo (Kp FAŬKO).

gluteo. Sidvango.

gluteno ☞. Glueca substanco, tre
nutra, kiu troviĝas en la faruno de
cerealjoj.

gnejso ✱. Skisteca rokaĵo el kristaloj,
kiuj konsistas el kvarco, feldspato k
glimo.

gneto ☞. G. de ~acoj (gnetum).

Gnomo. Fabela malgranda estaĵo,
gardanta trezorojn en la interno de la
tero. Kp KOBOLDO, FEO.

gnomono Z ☞. 1 Malnova sunhorloĝo
kun vertikala ombrojetilo. 2 La ombroj-
etilo mem.

* **Goblo.** Malgranda bongusta riverfiŝo
(gobio).

goeieto Z. Malpeza dumasta velŝipo
(= skuno Z).

golo (Sp). Rezulto de sporta ludo ating-
ata per jeto de pilko en la celon. ~ejo.
Kadro tra kiu devas esti ĵetata la pilko
por atingi ~on. ~ulo. Tiu el la trupo,
kiu gardas la ~ejon, por eviti la enjeton
de la pilko.

* **Golfo.** Parto de maro eniganta en la
teron : ~o de Botnio, de Finlando.

Gondolo. Longa, plata barketo, kun
ambaŭ ekstremaj levitaj en formo de
cignokolo, movata per stangoj aŭ remiloj,
k uzata en Venezio. ~isto. ~veturigisto,
~kondukanto.

gongo p. Orienta instrumento kon-
sistanta el metala disko, kies resonado
estas tre forta.

gonokoko ☞. Mikrobo kaŭzanta la
blenoreon.

* **Gorgo.** Interna kava parto de la kolo,
per kiu oni glutas k spiras : *tralavi*
(gargari) la ~on Z; *krii* Z, *ridi* Z *plen ~e*,
el la tuta ~o Z; *teni iun ĉe la ~o*; ~*premi*
iun (~preme sufoke mortigi); *meti*
tranĉilon al ies ~o Z; *freŝa mielo estas*
dolĉa por la ~o Z; (f) *la morto jam tenas*

lin ĉe la ~o; *ĝi jam staras al mi en la*
~o Z (tedegas min).

Gorilo. La plej granda simio el Afriko,
el fam. de antropoidoj. Kp ŜIMPANZO.

Gotika. Franca arkitektura stilo de la
12-15-a jarcentoj, karakterizata per vol-
boj apogitaj sur ogivkruciĝo k akrepintaj
arkajoj.

graco (Rk). Spirita helpo senmerite
donita de Dio al homo por saviĝo;
Difavoro.

* **Gracia.** Plaĉa per facilaj k harmoniaj
movoj aŭ bele proporciaj formoj : ~a
virino, *vazo*, *stilo*; ~aj *lipoj* Z. Kp
DELIKATA. ~e. Laŭ ~a maniero : ~e
prezenti tason al vizitanto; *li saltas ~e*,
kiel urso ebria Z (ironie). ~eco. Kvalito de
iu aŭ io ~a : ~eco de infana vizaĝo, de
antikva statufragmento. Mal~a. Havanta
senharmoniajn movojn aŭ formojn. ~o
☉. Nomo de tri antikvaj diaĵoj, reprez-
entantaj la plej graciecan belecon.

gracila = svelta.

* **Grado.** 1 Mezuro de kvalito, forto,
intenso : *krimo*, *kiel virlo*, *havas siajn*
~ojn; *eleganteco de alta ~o*; *la plej alta*
~o de amo, *teruro*; ~o da *bonstato*, *da*
perfekteco, *da kapableco* Z; *malforta ~o* Z;
sufiĉa ~o Z; *ĝis kia ~o* Z; *li malsaniĝis*
en tia ~o, *ke oni malesperas lin savi*; ~o
post ~o (iom post iom); ~oj (Rango, sed
philargense) *de ofico*, *de honoroj*; (G) ~oj *de*
komparo (pozitivo, komparativo k super-
lativo). Kp ŜTUPO. 2 Ĉiu el la egalaj
dividoj de cirklo, termometro, skalo ke :
5 ~oj *super la nulo*; 39 ~oj *de febro*;
kioma ~o da malvarmo estas ? angulo de
45 ~oj. ~igi. 1 Distribui laŭ la ~oj de
io, vicigi : ~igi la ekzercojn en lernolibro.
2 Dividi per ~oj, marki ~ojn sur io :
~igi termometron. ~a Z. 1 Relativa :
diferenco ne esenca, *sed ~a*. 2 Iompostioma,
malsubita. Laŭ ~e kiel (aŭ kiom). Pro-
porcie kiel (Kp LAŬ LA MEZURO KIEL,
LAŬ TIO KIEL, ĜUSTE TIOM KIOM).

* **Grafo.** Nobela titolo supera al barono
k malsupera al markizo.

grafiko Z. 1 Arto reprezenti objektojn
per desegnaj linioj. 2 Grafismo. ~aĵo.
Scienca desegno, servanta por la tekniko
k reprezentanta la fenomenojn aŭ iliajn
abstraktajn rilatojn per geometriaj figuroj
(skaloj, kurblinioj ke) : ~aĵo *pri varioj*